


„თეოიმანათიერებას უჩველად წმინდას სჯობს ყოველთვის სიჭიბრებსა. სიცოცხლის დასრულებით, იგი ყველგან სიბრძნის... ყოველი სხეულშია, როგორც ჩხვია ციფრით თუ სურათად დასრულებით, ხაზი-ხაზითა და სხვადასხვადას დასრულებით, რომ შიგნით და სიჭიბრებს ადრედაი იყოს.“

# სობის მოამბე

№10 (7113) 27 სექტემბერი, პარასკევი, 2019 წელი. შპსი 0,70 ლარი.

**სობის მუნიციპალიტეტის ბავშვთა მრგობრივი**

## ნუგზარ ნურნუბია მსოფლიო ჩემპიონია გილოცავთ!



სობის კულტურის სახლის დიდ დარბაზში, მსოფლიო ჩემპიონს, საქართველოს ბერძნულ-რომაული სტილით მოჭიდავეთა ნაკრების წევრს, ნუგზარ წურწუმიას გულშემატკივრებმა საზეიმოდ დახვდნენ და მოუწვევეს. საზეიმოდ ღონისძიებას სამეგრელო-ზემო სვანეთის სახელმწიფო რწმუნებულის პირველი მოადგილე დავით ფარცვანია, სობის მუნიციპალიტეტის მერი გოჩა ქაჯაია და საკრებულოს თავმჯდომარე ედიშერ ჯობავა ესწრებოდნენ. ღონისძიებაზე, ყაზახეთში გამართულ მსოფლიო ჩემპი-

ონატზე ნუგზარ წურწუმიას ასპარეზობის ამსახველი ფოტო-ვიდეო კოლაჟის ჩვენება გაიმართა. სობელ მსოფლიო ჩემპიონს და მის მწვრთნელებს (მამუკა ყორშია, სურაჯი გვასალია, ბაკურ ბუკია) ადგილობრივი ბიუჯეტიდან პირად ანგარიშზე ფულადი ჯილდო ჩაერიცხებათ. ნუგზარ წურწუმია ყაზახეთში გამართულ მსოფლიო ჩემპიონატის ფინალში მასპინძელი ხორლან ზაკანშა 9:0 დაამარცხა და მსოფლიო ჩემპიონის ტიტულს დაეუფლა. სობელი ფალავანი ასევე, 23-წლამდელთა შორის მსოფლიოსა და ევროპის ჩემპიონია.

## უფსაუფთო ჩვენი ბავშვილია!



**27 სექტემბერი-სოხუმის დაცემის დღე!**

## ნუგზარ წურწუმიას საჩუქრად ბინა გადასცეს

სამშენებლო კომპანია „არქიმ“ ქართველ მსოფლიო ჩემპიონებს თბილისში ბინები გადასცა. კომპანიისგან საცხოვრებელი ფართი მიიღო სობელმა სპორტსმენმა ნუგზარ წურწუმია. მას ოროთახიანი ბინა ისანში გადაეცა. „დაგვიბარეს ოთხივე ჩემპიონი, სიმბოლური საჩუქრები უნდა გადაგვცეთო. რა თქმა უნდა მოულოდნელი იყო და ძალიან მიხარია“-გვითხრა ნუგზარ წურწუმია.



# განათლების რეფორმა

## განათლების, მეცნიერების, კულტურისა და სპორტის სამინისტრო.

### ახალი სასწავლო წლიდან უფროსი, წამყვანი ან მენტორის სტატუსის მქონე მასწავლებლებს ანაზღაურება ეზრდება



\*2019 წლის ოქტომბრის დასაწყისში ყველა პედაგოგს, რომელსაც აქვს სტატუსი და მინიმუმ 15 საგაკვეთილო საათი, ანაზღაურება გაეზრდება 150 ლარით.

- \* უფროსი მასწავლებლები მიიღებენ 1011 ლარს;
- \* წამყვანი მასწავლებლები მიიღებენ - 1435 ლარს;
- \* მენტორი მასწავლებლები მიიღებენ - 1745 ლარს.

(მეტი საგაკვეთილო საათის შემთხვევაში, კიდევ მეტს)

- \* პედაგოგებს, რომლებსაც 15 საგაკვეთილო საათზე ნაკლები ექნებათ, საშუალოდ 100 ლარით გაეზრდებათ ანაზღაურება.
- \* მიმდინარე წლის შემოდგომაზე სისტემას ეყოლება 33 000 პედაგოგი, რომელთაც სტატუსი აიმაღლეს.
- \* პედაგოგებისთვის ანაზღაურების ზრდის ტენდენცია შენარჩუნდება და ეტაპობრივად განხორციელდება ისე, რომ 2022 წლისათვის მათი ანაზღაურება იქნება:
- \* უფროსი მასწავლებელი - 1700 ლარი;
- \* წამყვანი მასწავლებელი - 2135 ლარი;
- \* მენტორი მასწავლებელი - 2445 ლარი.

### საჯარო სკოლების ადმინისტრაციების და საგანმანათლებლო რესურსცენტრების წარმომადგენლებს ანაზღაურება გაეზრდებათ

\*განათლების კომპლექსური რეფორმის ფარგლებში, 2019 წლის 1 ოქტომბრიდან, საშუალოდ 20%-ის ფარგლებში, საჯარო სკოლების ადმინისტრაციების წარმომადგენლებს, ტექ.პერსონალს, მათ შორის სკოლების ექიმებს და ინკლუზიური განათლების მხარდამჭერ სპეციალისტებს ანაზღაურება გაეზრდებათ.



- \* რესურსცენტრის უფროსის ანაზღაურება 250 ლარით გაიზრდება და 1 450 ლარით განისაზღვრება;
- \* მეორე კატეგორიის უფროსი სპეციალისტის ანაზღაურება 200 ლარით მოიმატებს და 1000 ლარი გახდება;
- \* მესამე კატეგორიის უფროსი სპეციალისტის ანაზღაურება 150 ლარით გაიზრდება და 950 ლარი გახდება;
- \* 150 ლარით მოემატება ანაზღაურება პირველი კატეგორიის უმცროს სპეციალისტს და მისი თანამდებობრივი სარგო 850 ლარი გახდება.
- \* ანაზღაურება გაეზრდებათ მანდატურის სამსახურის მიერ გადამზადებულ

სკოლის უსაფრთხოებაზე პასუხისმგებელ პირებსაც, რომლებიც წარმოადგენენ სკოლის ადმინისტრაციას და თანამდებობრივ სარგოზე დანამატი 125 ლარი ექნებათ.

\*შეიცვლება სპეციალური საგანმანათლებლო საჭიროების მქონე მოსწავლის სწავლების ხელშეწყობისთვის საჯარო სკოლების დამატებითი დაფინანსების ოდენობაც. 1-დან 6 კლასის ჩათვლით სპეციალური საგანმანათლებლო საჭიროების მქონე მოსწავლის სწავლების ხელშეწყობისთვის, საჯარო სკოლები ყოველთვიურად დამატებით 600 ლარით დაფინანსდებიან.

### საჯარო სკოლებში ინფრასტრუქტურა მონესრიგდა

ხობის მუნიციპალიტეტში, საქართველოს მთავრობის მიერ ზოგადსაგანმანათლებლო ინფრასტრუქტურის ადგენა-მშენებლობისთვის გამოყოფილი თანხით 10 პროექტი განხორციელდა. ზემო ქვალონის, ქვემო ქვალონის №2, საჯიჯაოს №1, თორსა-დღვების, პირველი მაისის, შუა ხორგის, ნოჯიხევის №2, საჯიჯაოს №2 საჯარო სკოლებში მოეწყო შეზღუდული შესაძლებლობის მქონე პირებზე ადაპტირებული სველი წერტილები; სარეაბილიტაციო სამუშაოები ჩატარდა ახალსოფლის სკოლაში. ხოლო, ხობის №2 სკოლაში გარემონტდა სპორტული დარბაზი. სკოლების ინფრასტრუქტურის მშენებლობარეაბილიტაციაზე 530 000 ლარამდე დაიხარჯა. დასრულებული პროექტები ხობის მუნიციპალიტეტის მერმა გოჩა ქაჯაიამ და მერის პირველმა მოადგილემ ვარაზ გაბედავამ დაათვალიერეს.



### სექიქუმს №2 საჯარო სკოლის იუბილე აღნიშნეს

ხობის მუნიციპალიტეტის საჯიჯაოს №2 საჯარო სკოლაში, სკოლის დაარსებიდან 100 წლის იუბილე აღნიშნეს. სკოლის იუბილესთან დაკავშირებით კონცერტი გაიმართა, რომელშიც მუნიციპალიტეტის სკოლების მოსწავლეები მონაწილეობდნენ. საიუბილეო თარიღი დამსწრე საზოგადოებას სამეგრელო-ზემო სვანეთის სახელმწიფო რწმუნებულის მოადგილემ დავით ვერავამ, ხობის მუნიციპალიტეტის მერმა გოჩა ქაჯაიამ და ხობის საგანმანათლებლო რესურსცენტრის უფროსმა ბეატრისა რუსიამ მიულოცეს.




### ზემო ქვალონში კეთილმოწყობილი ბაღი გაიხსნა

ხობის მუნიციპალიტეტის საკრებულოს თავმჯდომარე ედიშერ ჯობავამ, მერმა გოჩა ქაჯაიამ და საკრებულოს განათლების, კულტურისა და სოციალურ საკითხთა კომისიის თავმჯდომარემ დოდო გაბუნია, ადგილობრივი ხელისუფლების სხვა წარმომადგენლებთან ერთად ზემო ქვალონში, კეთილმოწყობილი საბავშვო ბაღი საზეიმო ვითარებაში გახსნეს. ადგილობრივი თვითმმართველობის წარმომადგენლებმა ბაღის აღსაზრდელებს და პედაგოგებს ახალი სასწავლო წლის დაწყება მიულოცეს და წარმატებები უსურვეს. საბავშვო ბაღი, რომლის რეაბილიტაციაზეც 50 ათას ლარამდე დაიხარჯა, „სოფლის მხარდაჭერის პროგრამით“ და ადგილობრივი ბიუჯეტის დაფინანსებით განხორციელდა.



# ჩვენს მუნიციპალიტეტში

## სობის მუნიციპალიტეტში ლოკოინას ფარმა ფუნქციონირებს



ლიტეტის მერმა, გოჩა ქაჯაიამ და სოფლისა და სოფლის მეურნეობის განვითარების სააგენტოს დირექტორმა, ოთარ შამუგიამ ლოკოინების ფარმა დაათვალიერეს და საწარმოო პროცესს გაეცნენ.

ფარმა წელიწადში საშუალოდ 50 ტონა ლოკოინას ხორცს აწარმოებს. პროდუქცია ექსპორტზე გადის, ძირითადად იტალიაში. იგეგმება ადგილობრივ ბაზარზე პროდუქციის გატანაც. საწარმოში 10 ადგილობრივი ადამიანი დასაქმებული.

სახელმწიფოს დახმარებით, „ერთიანი აგროპროექტის“ ფარგლებში, 200 ახალი საწარმო დაფინანსდა, საიდანაც სამეგრელოს რეგიონში 25 ახალი საწარმო ფუნქციონირებს.

სოფლის და სოფლის მეურნეობის განვითარების სააგენტო ახორციელებს „ერთიანი აგროპროექტს“, რომელიც გათვლილია გრძელვადიან განვითარებაზე და მისი მიზანია ისეთი გარემოს შექმნა, რომელიც ხელს შეუწყობს სოფლის მეურნეობაში კონკურენტუნარიანობის ამაღლებას, მაღალხარისხიანი პროდუქციის წარმოების სტაბილურ ზრდას, სურსათის უვნებლობის საერთაშორისო სტანდარტის დანერგვას.

სობის მუნიციპალიტეტის ახალი ხიბულის ადმინისტრაციულ ერთეულში თანამედროვე სტანდარტებით აღჭურვილი ლოკოინების ფარმა „ნადი გრუპი“ სახელმწიფოს დახმარებით, „ერთიანი აგროპროექტის“ ფარგლებში აშენდა.

ფერმის ასაშენებლად 1 410 000 ლარის ინვესტიცია განხორციელდა, საიდანაც 1 260 000 ლარი ბენეფიციარმა შეღავათიანი აგროკრედიტის პროგრამით მიიღო.

საქართველოს გარემოს დაცვისა და სოფლის მეურნეობის მინისტრის მოადგილემ, გიორგი ხანაშვილმა, სამეგრელო ზემო-სვანეთის სახელმწიფო რწმუნებულის პირველმა მოადგილემ, დავით ფარცვანიამ, სობის მუნიციპა-

## დასუფთავების აქცია ჩატარდა



20 სექტემბერს, არასამთავრობო ორგანიზაცია „საქართველოს მწვანეთა მოძრაობა დედამიწის მეგობრებისა“ და ადგილობრივი თვითმმართველობის ორგანიზებით, სობის მუნიციპალიტეტში დასუფთავების აქცია სახელწოდებით „დავასუფთავოთ მსოფლიო, დავასუფთავოთ საქართველო“ გაიმართა.

აქციაში სობის მუნიციპალიტეტის საკრებულოს თავმჯდომარე ედიშერ ჯობავა, საკრებულოს აპარატის, მერიის და თვითმმართველობის იურიდიული პირების თანამშრომლები მონაწილეობდნენ. აქციაში მონაწილეებმა ქალაქ ხობში წინასწარ განსაზღვრული ადგილები დაასუფთავეს.

## სობში საზოგადოებრივი ცენტრი აშენდება



ქალაქ ხობში საზოგადოებრივი ცენტრის მშენებლობა უახლოეს პერიოდში დაიწყება. საზოგადოებრივი ცენტრი მოსახლეობას საშუალებას აძლევს, საჯარო და კერძო სექტორის 200-ზე მეტი სერვისით ისარგებლოს, კერძოდ: სახელმწიფო სერვისების განვითარების სააგენტოს, საქართვე-

ლოს ეროვნული არქივის და საჯარო რეესტრის ეროვნული სააგენტოს სერვისებით.

სახელმწიფო და კერძო სექტორის სერვისების მიღების გარდა, სობის მოსახლეობა უახლესი ტექნიკით აღჭურვილი ბიბლიოთეკითა და საკონფერენციო დარბაზით ისარგებლებს.

საზოგადოებრივი ცენტრის მშენებლობაზე 645888 ლარი დაიხარჯება და სობის მუნიციპალიტეტის მოსახლეობას კეთილმოწყობილი ცენტრით სარგებლობის შესაძლებლობა ექნება.

## ინფრასტრუქტურული პროექტების მონიტორინგი ხორციელდება

\* სამეგრელო-ზემო სვანეთის სახელმწიფო რწმუნებულის მოადგილე ლუდუკ ხასია, ინფრასტრუქტურული პროექტების მონიტორინგს, რეგიონული პროექტების სამსახურის უფროსთან, ნუგზარ გაბელიასთან ერთად აქტიურად განაგრძობს.



\* ამჯერად, სახელმწიფო რწმუნებულის მოადგილემ სობის მერთან ერთად, ქარიატასთან დამაკავშირებელი 7 კილომეტრიანი გზის სამშენებლო სამუშაოები დაათვალიერა. პროექტს საქართველოს მუნიციპალური განვითარების ფონდი, ევროპის საინვესტიციო ბანკის დაფინანსებით ახორციელებს. პროექტის შესაბამისად მოეწყობა წყალამრიდი მიწები და ეზოებში შესასვლელები. აშენდება ავტობუსის გასაჩერებელი მოედნები და ავტოპავილიონები. დამონ-

ტაუდება საგზაო ნიშნები და დაიგება ცემენტბეტონის საფარი. ინფრასტრუქტურული პროექტის ღირებულება 3 მილიონ 570 ათას ლარს შეადგენს.

ლუდუკ ხასია ასევე გაეცნო სოფელ საბუკიოში გზის სარეაბილიტაციო სამუშაოებს.

\*\*\*



ორსართულიანი, 60 ალსაზრდელზე გათვლილი და თანამედროვე სტანდარტების შესაბამისად მოწყობილი საბავშვო ბაგა-ბაღის მშენებლობა წლის ბოლომდე დასრულდება.

ხელისუფლების წარმომადგენლები ზვიად გამსახურდიას მემორიალური სახლის სარეაბილიტაციო სამუშაოებსაც გაეცნენ.

ზვიად გამსახურდიას სახლ-მუზეუმის გახსნისთვის აქტიურად მიმდინარეობს სამუშაოები. „ქართუ ჯგუფის“ პროექტის ფარგლებში უკვე დაწყებულია ეკლესიის მშენებლობა, რომელიც იქნება კომპლექსი, სადაც ადგილობრივ მოსახლეობას საშუალება ექნება პატივი მიაგოს ზვიად გამსახურდიას ხსოვნას.

უახლოეს პერიოდში დაიწყება მუზეუმის ეზოში პარკის გაშენების სამუშაოები.

## „ევროპის სპორტის კვირეული“ დაიწყო



„ევროპის სპორტის კვირეული“ (European Week of Sport – Be Active) ევროკომისიის ორგანიზებით, 2015 წლიდან ყოველწლიურად ტარდება და ხელს უწყობს სპორტული და ფიზიკური აქტივობის პოპულარიზაციას ევროპის მასშტაბით.

ევროპის სპორტის კვირეული იმართება ყველასთვის, განურჩევლად ასაკისა, სპორტული გამოცდილებისა, თუ ფიზიკური მომზადების დონისა. გამაზიანა

ქალაქ ხობის ცენტრალურ პარკში „ევროპის სპორტის კვირეული“ (European Week of Sport – Be Active) დაიწყო. ღონისძიება ფლემშობით გაიხსნა, რომელიც მაგიდის ჩოგბურთითა და ჭადრაკით გაგრძელდა.

ღონისძიებას სობის მუნიციპალიტეტის საკრებულოს თავმჯდომარე ედიშერ ჯობავა, მერი გოჩა ქაჯაია და მერიის მოადგილე მახარე ჩოკორაია ესწრებოდნენ.

წარმოებს ჰეთეგეთ Active და მოუწოდებს მოსახლეობას, იცხოვრონ ცხოვრების ჯანსაღი წესით, იყვნენ აქტიურები.

30 სექტემბერს, გამარჯვებულთა დაჯილდოება გაიმართება.

კვირეული ადგილობრივი თვითმმართველობის მხარდაჭერითა და „სობის მუნიციპალიტეტის კულტურულ-საგანმანათლებლო, საზოგადოებრივი ცენტრის“ ორგანიზებით ხორციელდება.

# განათლების რეფორმა

განათლების სისტემაში რეფორმების გატარება თითქმის ყოველთვის ხდება. მიმდინარე წელს რეფორმის ერთ-ერთი მთავარი სიახლე და შემოთავაზება პენსიონერ პედაგოგებს შეეხო. განათლების სფეროში მიმდინარე რეფორმების მთავარი მიმართულება სასკოლო ცხოვრების გაუმჯობესებაზე პედაგოგთა პროფესიონალიზმის ამაღლებასა და მათი ცხოვრების დონის გაუმჯობესებაზეა ორიენტირებული. მეტი ყურადღება ეთმობა პენსიონერ პედაგოგებს, მათ (თუკი მათი სურვილი იქნება) უნდა ჰქონდეთ ღირსეული დასვენების უფლება და პირობები.

იმ პენსიონერ პედაგოგებს, რომლებიც სტატუსით პრაქტიკოსია, შეუძლიათ თავი დაანებონ სკოლას, ღირსეულად დატოვონ სკოლის კედლები და ჯილდოს სახით ორი წლის ხელფასი მიიღონ. მათ ასევე უნარჩუნდებთ უფლება ჩააბარონ სასერთიფიკატო გამოცდები. სიცოცხლის ბოლომდე ისარგებლონ ჯანმრთელობის დაზღვევის პაკეტით. ამ შემოთავაზებას ბევრი პედაგოგი გამოეხმაურა.

ზობის მუნიციპალიტეტის საჯარო სკოლებიდან 56 პედაგოგმა დატოვა სკოლა, თუმცა მათ ჯერ კიდევ შესწევთ უნარი ასწავლონ მომავალ თაობას, სკოლა მათი საუნჯეა, ბავშვები კი მათი ცხოვრების ნაწილი.

გაგაცნობთ ზოგიერთ პენსიონერ პედაგოგთა მოსაზრებას:



**ალქასანდრე არჩაბია**, –საქართველოს რესპუბლიკის დამსახურებული მასწავლებელი, საერთო აკადემია „ფაზისის“ ნამდვილი წევრი.

ძალიან მომწონს „ახალი სკოლის“ მოდელი, რომელიც შემოგვთავაზა განათლების სამინისტრომ. ეს ახალი მოდელი ყოველი ჩვენთაგანისგან ითხოვს ენერჯიულ და დაუღალავ შრომას. მე მჯერა და ღრმად მწამს ჩვენი მომავალი თაობის. სწორედ დღევანდელმა ახალგაზრდა კადრებმა უნდა თქვან თავიანთი წონადი სიტყვა განათლების რეფორმის ცხოვრებაში განხორციელების საქმეში, სკოლაში უნდა მოხდეს მათი ცოდნის, ენერჯისა და შემართების რეალიზაცია. ხელი უნდა შეეუწყოს მათ დასაქმებას. ისინი უნდა გახდნენ დაწვებული რეფორმის ერთგული ჯარისკაცები. სკოლაში 6 ათეული წელი ვიმუშავე. მზად ვარ დავეხმარო და მხარში ამოვუდგე ახალგაზრდობას. მოსწავლეები ძალიან მიიღებენ ჩემი ავტორობით გამოცემულ მათემატიკის დამხმარე სახელმძღვანელოს, რომელიც დაეხმარება ყოველ მათგანს და ახალგაზრდა პედაგოგებს საგაკვეთილო პროცესის სრულყოფაში..



**კეთერი თსაკანია-არჩაბია**, –ზობის №2 საჯარო სკოლის პედაგოგი.

დღევანდელი არის კოსმოსური სიჩქარეების, სწრაფი ინფორმაციის, ქიმიური ტექნოლოგიების და კომპიუტერიზაციის საუკუნე. სკოლის კურსდამთავრებული ჯერონდ უნდა ერკვეოდეს ზემოთხაზულ პროცესებში. მოზარდმა უნდა შეძლოს შექმნილ სიტუაციაში სწორი დასკვნების გაკეთება. მე, როგორც ქართული ენისა და ლიტერატურის მასწავლებელი, ვცდილობდი მოსწავლეებში ჩამოეყალიბებინა კრიტიკული აზროვნების უნარი. მჯერა, ჩემი აღზრდილები, რომლებმაც უმაღლესი მასწავლებელი დაამთავრეს პედაგოგის განხრით, რეფორმას მხარს აუბამენ და მყარად დადგებიან აღზრდის სათავეებთან. ამჟამად პენსიონერი ვარ, მაგრამ სკოლის მიღმა დამწვებ პედაგოგებს მხარში ამოვუდგები და ჩემს მდიდარ გამოცდილებას გავუზიარებ მათ. მჯერა და ღრმად მწამს ახალგაზრდა კადრები გამოცდილ პედაგოგებთან სრულყოფენ საგაკვეთილო პროცესს. ფართო გზა მივცეთ მათ ცოდნას და ენერჯიას.



**თამარი ხუხნიაშვილი**–პირველი მაისის საჯარო სკოლა.

უკვე 50 წელია ვმუშაობ სსიპ ესტატე შუშანიას სახელობის ზობის მუნიციპალიტეტის სოფელ პირველი მაისის საჯარო სკოლაში დაწვებითი კლასების მასწავლებლად. უკანასკნელ წლებში ვასწავლიდი სახვით და გამოყენებით ხელოვნებას. ჩვენი სკოლა დიდი ტრადიციების მქონეა. წლების მანძილზე აქ ასწავლიდნენ შესანიშნავი მასწავლებლები. დიდი პატივი იყო ჩემთვის აქ მუშაობა. ჩემმა მეუღლემ–აწვანსვენებულმა დურუ კობახიძემ ასევე ათეულობით წლები გაატარა ამ სკოლის კედლებში. ძნელია შენი საყვარელი საქმის მიტოვება. მიუხედავად იმისა, რომ 80 წელი შემისრულდა, მაინც გამიჭირდა გადაწყვეტილების მიღება. ჯილდოსთვის კი მაღლობის მეტი რა მეთქმის. მაღლობა მთავრობას დაფასებისთვის!



**ლიანა ნატყვანიძე**–პირველი მაისის საჯარო სკოლა.

1979 წლიდან ვასწავლიდი გეოგრაფიას. მრავალმა თაობამ გაიარა ჩემს ხელში. ვამყობ ამით! მიუხედავად იმისა, რომ ვარ 4 შვილის დედა და 9 შვილიშვილის ბებია, სასკოლო ცხოვრებას ყოველთვის განსაკუთრებული ადგილი ჰქონდა ჩემს ცხოვრებაში. მაღლობელი ვარ ჯილდოსთვის. ათეულობით წლების განმავლობაში ვინ მოთვლის რამდენმა ადამიანმა დატოვა სკოლა მაგრამ არ მახსენდება ასეთი ნაბიჯი სახელმწიფოსგან. ნამდვილად დასაფასებელია მასწავლებლის პროფესია. კარგია, რომ მასწავლებლის შრომას ფასი ედება. ძალიან გამიხილდა ამ გადაწყვეტილების მიღება, მაგრამ წლები თავისას აკეთებს. კარგი იქნებოდა, თუ ამ ჯილდოს ყველა საპენსიო ასაკის მასწავლებელი მიიღებდა სკოლიდან წასვლისას.



**გულნარა პრაჰიმეძე**–პირველი მაისის საჯარო სკოლა.

1974 წლიდან ვმუშაობ. ვასწავლი რუსულ ენასა და ლიტერატურას. ძალიან მიყვარდა და მიყვარს ჩემი საქმე, მაგრამ არსებობს ცხოვრებაში მომენტები, როცა უნდა მიიღო ურთულესი გადაწყვეტილებები. სწორედ ასეთია ჩემთვის პედაგოგიური საქმიანობის შეწყვეტა სკოლაში. ეს გადაწყვეტილება მიღებული მქონდა, სექტემბრიდან არც ვაპირებდი მუშაობის გაგრძელებას. როცა შევიტყვე, რომ სახელმწიფო აპირებს ორი წლის ხელფასით დააჯილდოოს პენსიონერი პრაქტიკოსი პედაგოგები, გამიხარდა. მასწავლებლები, რომლებსაც სამოქალაქო ომის პერიოდშიც კი დღე არ გაუცდენიათ, უხელფასობის დროსაც კი არ შეუწყვეტიათ პროფესიული მოღვაწეობა, ნამდვილად იმსახურებდნენ ამ ჯილდოს.

ამ გადაწყვეტილებით გზას ვუთმობ ახალ თაობას პედაგოგის პროფესიაში შემოსასვლელად. სახელმწიფოსგან მიღებულ ჯილდოსაც ჩემს ოჯახს მოვხმარ. გასახარია ისიც, რომ სახელმწიფო მასწავლებლის დაზღვევის უფასო პაკეტს გვთავაზობს.

მინდა ვისარგებლო შემთხვევით და მაღლობა ვუთხრა ჩემს კოლეგებს, შესანიშნავ პედაგოგებს, ღირეულებს! მაღლობა სახელმწიფოს, რომელმაც დამაფასა!



**მიმოზა მალანიძე**–ქარიატის საჯარო სკოლის გეოგრაფიის მასწავლებელი.

ახალგაზრდობიდან მასწავლებელი ვარ. ეს ფაქტიურად, მთელი ჩემი ცხოვრებაა. 22 წლის ვიყავი პირველად გაკვეთილი რომ ავხსენი და მივხვდი, მე ეს უნდა გამეკეთებინა. ჯერ აფხაზეთში, სოფელ შრომის საშუალო სკოლაში ვმუშაობდი, მერე ბედის ირონიით, ქარიატაში აღმოვჩნდი და აქ გაავარდელე საქმიანობა. ქარიატის სკოლამ თბილად, სიყვარულით მიიღო. ცხოვრებამ ბევრი ბრძოლა შემომთავაზა, მაგრამ ერთ-ერთი უმნიშვნელოვანესი პედაგოგობა იყო, თან სასიამოვნო ბრძოლა.

ასაკს ვერაფერი შეაჩერებს და 67-ე წელი შემომეპარა. არაა მცირე ასაკი და დასვენებაზე დავიწყე ფიქრი, მაგრამ, როგორღაც გამიჭირდა გადაწყვეტილების მიღება. კიდევ ერთი წელი შემოვრჩი სკოლას.

ზოგადად, მასწავლებლებს ძალიან გვიჭირს ამ გადაწყვეტილების მიღება, მაგრამ ისეთი ღირსეული და საინტერესო ფორმა შემოგვთავაზა პენსიონერებს სახელმწიფომ, ვერც კი ვიფიქრებდი ასეთ რამეზე. უბრალოდ, პენსიაზე კი არ გამიშვეს, ჯილდოს, დაფასების ფორმა მისცეს, მატერიალური დაინტერესებაც ზედ დაამატეს და გადაწყვეტილება უპრობლემოდ, ზედმეტი ნერვიულობისა და შფოთვის გარეშე მივიღე. ღირსეულ ახალგაზრდებს რა დაღვეს, ახალი კადრი შემოვა სკოლაში და გაავარდელეს ჩვენს საქმეს.

დიდი მაღლობა ასეთი ღირსეული უცხუების საქართველოს მთავრობას, განათლების სისტემის მესვეურთ.



**ცილა ხუხნიაშვილი**–საჯიჯაოს საჯარო სკოლა.

ვსწავლობდი ზობის რაიონის სოფელ საჯიჯაოს საშუალო სკოლაში. სკოლის დამთავრების შემდეგ ჩავირიცხე თბილისის უცხო ენათა ინსტიტუტში ინგლისური ენის ფაკულტეტზე. ინსტიტუტის დამთავრების შემდეგ ჩამოვედი ზობში და მუშაობა დავიწყე ხეთის საშუალო სკოლაში ინგლისური ენის მასწავლებლად. ხეთაში ვიმუშავე 22 წელი. შემდეგ მუშაობა დავიწყე პირველი გურიფულის სკოლა-გიმნაზიაში. იქ ვასწავლიდი 10 წელი. ვღებულობდი პროექტებში მონაწილეობას, სადაც ვიმარჯვებდი კიდევ. სკოლების ოპტიმიზაცი-გადავედი ზობის №1 საჯარო სკოლაში. 2 წელი იქ ვიმუშავე. ვინაიდან ინგლისური ენის სპეციალისტების ნაკლებობის გამო სკოლებში ძირითადად ისწავლებოდა გერმანული ენა. ინგლისური ენის სწავლება შემოიღო ზობის რაიონის განათლების განყოფილებამ იმ სკოლებში, სადაც ვასწავლიდი: ეს იყო ხეთის, გურიფულის, ბიის და საჯიჯაოს სკოლები. შემდეგ უკვე ეროვნული სასწავლო გეგმით ინგლისური ენა გახდა პირველი სავალდებულო უცხო ენა.

ძალიან მომეწონა სახელმწიფოს ინიციატივა საპენსიო ასაკის პედაგოგების დაჯილდოების შესახებ. ეს არის უპრეცედენტო შემთხვევა, როცა ქვეყანამ მიიღო გადაწყვეტილება ფულადი ჯილდო გადაეცა მასწავლებლებისთვის, რომლებსაც მრავალი წლის განმავლობაში ერთგულად ემსახურებოდნენ მომავალ თაობას და ქვეყანას, რისთვისაც მაღლიერებას გამოვთქვამთ ხანდაზმული პედაგოგები.

„სობის მოამბე“ იწყებს რუბრიკას „იცოდე კანონი, იქნები დაცული“. რუბრიკის მიზანია საზოგადოების ცნობიერების ამაღლება ისეთ საკითხებზე, როგორცაა ქალთა მიმართ და ოჯახში ძალადობა, ნაადრევი ქორწინება, გენდერული თანასწორობა, ბულინგი.

რუბრიკისთვის ინფორმაციას მოგვაწვდის სობის მუნიციპალიტეტის მერიის პირველი კატეგორიის უფროსი სპეციალისტი გენდერული თანასწორობის საკითხებში თამუნა სიჭინავა.

ოჯახის წევრის ჯანმრთელობის დაზიანებას ან სიკვდილს. ფსიქოლოგიური ძალადობა: შეურაცხყოფა, შანტაჟი, დამცირება, მუქარა ან სხვა ისეთი მოქმედება, რომელიც ადამიანის პატივისა და ღირსების შელახვას იწვევს;

სქესობრივი კავშირი ან სექსუალური ხასიათის სხვაგვარი მოქმედება ან გარყვნილი ქმედება არასრულწლოვნის მიმართ; იძულება: ადამიანის ფიზიკური ან ფსიქოლოგიური იძულება, შეასრულოს ან არ შეასრულოს მოქმედება, რომლის განხორციელება, ან რომლისგან თავის შეკავება, მისი უფლებაა, ან საკუთარ თავზე განიცადოს თავისი ნება-სურვილის საწინააღმდეგო ზემოქმედება. უგულებელყოფა: მშობლის ან კანონიერი წარმომადგენლის მიერ ბავშვის ფიზიკური, ფსიქოლოგიური საჭიროებების დაუკმაყოფილებლობა, საბავშვო განათლების უფლების შეზღუდვა, საფრთხისაგან დაუცველობა, დაბადების რეგისტრაციის, სამედიცინო და სხვა მომსახურებით სარგებლობისთვის აუცილებელი მოქმედებების განუხორციელებლობა მაშინ, როდესაც მშობელს ან/და კანონიერ წარმომადგენელს აქვს სათანადო ინფორმაცია, შესაძლებლობა და ხელიც მიუწვდება შესაბამის მომსახურებაზე.

# „იცოდე კანონი, იქნები დაცული“

## რა არის ოჯახში ძალადობა?

ოჯახში ძალადობა გულისხმობს ოჯახის ერთი წევრის მიერ მეორის კონსტიტუციური უფლებებისა და თავისუფლებების დარღვევას ფიზიკური, ფსიქოლოგიური, ეკონომიკური, სექსუალური ძალადობით ან იძულებით.

## რა არის ქალთა მიმართ ძალადობა?

ქალთა მიმართ ძალადობა გულისხმობს საზოგადოებრივ თუ პირად ცხოვრებაში ქალების მიმართ გენდერული ნიშნით ჩადენილი ძალადობისთვის დამახასიათებელ ყველა ქმედებას, რომელთაც შედეგად მოჰყვება ან შეიძლება მოჰყვეს ქალებისთვის ფიზიკური, ფსიქოლოგიური ან სექსუალური



ტანჯვის ან ეკონომიკური ზიანის მიყენება, მათ შორის, ასეთი ქმედებების ჩადენის მუქარა, ქალების იძულება ან მათთვის თავისუფლების თვითნებური აღკვეთა.

## ძალადობის რა ფორმები არსებობს?

ძალადობის ფორმებია: ფიზიკური ძალადობა: ცემა, წამება, ჯანმრთელობის დაზიანება, თავისუფლების უკანონო აღკვეთა ან სხვა

ისეთი მოქმედება, რომელიც იწვევს ფიზიკურ ტკივილს ან ტანჯვას; ჯანმრთელობის მდგომარეობასთან დაკავშირებული მოთხოვნების დაუკმაყოფილებლობა, რაც იწვევს

ვევს;

## ეკონომიკური ძალადობა:

ქმედება, რომელიც იწვევს საკვებით, საცხოვრებელი და ნორმალური განვითარების სხვა პირობებით უზრუნველყოფის, საკუთრებისა და შრომის უფლებების განხორციელების, აგრეთვე თანასაკუთრებაში არსებული ქონებით სარგებლობისა და კუთვნილი წილის განკარგვის უფლებით შეზღუდვას. სექსუალური ძალადობა: სქესობრივი კავშირი ძალადობით, ძალადობის მუქარით ან მსხვერპლის უმწეობის გამოყენებით.

# როგორ ავიცილოთ თავიდან ყირიმ კონგოს ჰემორაგიული ცხელება?

ყირიმ-კონგოს ცხელება არის ვირუსული დაავადება, რომელმაც შეიძლება თავი იჩინოს, როგორც ცხოველებში, ასევე ადამიანებშიც. ავადდებიან შინაური და გარეული ძუძუმწოვარი ცხოველები, ასევე მღრღნელებიც (ძროხა, კამეჩი, ცხვარი, თხა, ძაღლი, თაგვი და სხვა).

დაავადება მიეკუთვნება განსაკუთრებით საშიშ ინფექციებს, გავრცელებულია მსოფლიოს მრავალ ქვეყანაში, მათ შორის საქართველოშიც, თუმცა უფრო ნაკლებად ვიდრე სხვა ქვეყანებში. ჩვენთან დაავადების შემთხვევები გვხვდება შიდა ქართლში, სამცხე-ჯავახეთში, რაჭა-ლეჩხუმში, თბილისში. 2018 წელს დარეგისტრირებულია ადამიანების დაავადების 12 შემთხვევა, რომელთაგან სამ შემთხვევაში ლეტალური გამოსავალი დაფიქსირდა. მიმდინარე წელს ადამიანის გარდაცვალების უკვე მესამე შემთხვევაა დარეგისტრირებული. სწორედ ამიტომ ადამიანებში დაავადების პრე-

ვენციის მიზნით დიდი მნიშვნელობა აქვს პირადი ჰიგიენის დაცვას, ცხოველების მოვლას. არავითარ შემთხვევაში არ შეიძლება ცხოველს ტკიპა მოვაცილოთ ხელით. ის უნდა მოცილდეს პინცეტით ან სხვა საშუალებით. ყველაზე კარგია ცხოველების შეწამლა სპეციალური საშუალებით. ყოველ 15-20 დღეში ერთხელ, გაზაფხულ-ზაფხულ-შემოდგომის პერიოდში, ამით ცხოველები განთავისუფლდება ტკიპებისაგან და ადამიანიც აღარ დაინფიცირდება.

დაავადების საწყისი სიმპტომია მოულოდნელი შემცივნება, ტემპერატურის 39-40 გრადუსამდე აწევა, იწყება კუნთების და თავის ტკივილი, მუცლის ტკივილი, გულისრევა, ღებინება, დიარეა, ვითარდება სისხლის ჩაქცევები კანზე, სისხლდენა ცხვირიდან, ღრძილებიდან, საშვილოსნოდან, კუჭ-ნაწლავის ტრაქტიდან. დაავადება ადამიანში მძიმედ მიმდინარეობს და დროული

მკურნალობის ჩატარების გარეშე 30-40 პროცენტი სიკვდილით მთავრდება. დაავადების მაღალი რისკის ქვეშ არიან პირუტყვის მომვლელები, მწვემსები, დაავადება გადაეცემა ადამიანიდან ადამიანსაც.

ყირიმ-კონგოს ჰემორაგიული ცხელებით დაავადებულ ცხოველს კლინიკური ნიშნები არ აღენიშნება.

დაავადება ვცრელდება ტკიპების (Mualomma) სახეობის საშუალებით. დაავადება რომ გავრცელდეს, ჯერ ტკიპამ უნდა უკბინოს დაავადებულ ცხოველს, შემდეგ ადამიანს. ადამიანებში დაავადება ვლინდება ინფიცირებული ტკიპის კბენიდან 1-9 დღის განმავლობაში (კბენა, ტკიპის ხელით მოცილებისას, გაჭყლეტილ ტკიპასთან შეხება) ასევე დაინფიცირებული ცხოველის დაკვლის დროს კონტაქტის შედეგად.

ცხოველების ორგანიზმში ვირუსის მოკლე პერიოდის განმავლობაში ცირკულირების და კლინიკური ნიშ-

ნების არქონის გამო ცხოველები მკურნალობას არ ექვემდებარებიან.

ადამიანებში დროულად დასმული დიაგნოზი და ადრე დაწყებული მკურნალობა კეთილსაიმედოა.

## როგორ დავიცვათ თავი მრისხანე დაავადებისაგან:

-ცხოველებში ტკიპების განიხილვისთანავე წლის თბილ და ცხელ პერიოდში ყოველ 15-20 დღეში ერთხელ დავამუშაოთ ცხოველები და მათი სადგომები, დახურული დამხმარე სათავსოები ინსექტოკარიციდული ტკიპების საწინააღმდეგო საშუალებებით.

-ამ ტერიტორიაზე, სადაც ბალახის მაღალი საფარია, მიზანშეწონელია ატაროთ გრძელსახელოიანი ტანსაცმელი, გრძელი შარვალი და დახურული ფეხსაცმელი.

-სახლში დაბრუნებისას შე-



ამოწმეთ უნდა ტანსაცმელი და სხეული ტკიპას არსებობაზე.

-ცხოველებს ტკიპები მოაშორეთ ხელთათმანის და პინცეტის გამოყენებით, მოცილებისას შეეცადეთ არ გაჭყლიტოთ ტკიპები.

-დაავადების მსგავსი სიმპტომების შემთხვევაში ადამიანებმა დაუყოვნებლივ უნდა მიმართონ სამედიცინო დაწესებულებებს.

დაავადების საწინააღმდეგო სპეციფიკური ვაქცინა არ არსებობს.

**ჯუმბარ ტურავა, სობის მუნიციპალიტეტის საზოგადოებრივი ჯანდაცვის ცენტრის დირექტორის მოადგილე.**



### სულთანა

#### რამაზი კიტია



რა მალე გარბიან დროის ურჩი წამები... სადღაც მიიჩქარიან და თან მიაქვთ წარსულ დროთა განვლილი დარღები...

2008 წლის 21 სექტემბერი... 11 წელი გავიდა იმ დღიდან, როცა სამსახურებრივი მოვალეობის შესრულების დროს, ხურჩას ტერიტორიაზე, სნაიპერის მიერ გასროლილმა ტყვიამ იმსხვერპლა ხობის რაიონული სამმართველოს თანამშრომელი რამაზ კიტია.

21 სექტემბერი, დღე, რომელიც დიდი ტკივილისა და სევდის მომტანი იყო თითოეული ჩვენთაგანისთვის. განსაკუთრებით კი მისი ოჯახისთვის.

2008 წლის აგვისტოს ომის დროს, გორის გზაზე ტრაგიკულად დაიღუპნენ რამაზ კიტია მამა, სიდედრი და სიმამრი.

...რამაზ, ძნელია ვისაუბრო წარსულ დროში შენზე. ბედისწერის უღმბობელმა ძალამ წარიტაცა ჩვენი თბილი, მუდამ მომდიმარი და მოსიყვარულე კეთილი ადამიანი. უხდებოდი სიცოცხლეს, სჭირდებოდი შენს ოჯახს. მამის სიკვდილის შემდეგ, შენ ხომ ერთადერთი იმედი იყავი შენი ოჯახისთვის. სჭირდებოდი შენს მეუღლეს და ტყუპებს, გიორგისა და ლუკას, რომლებიც გმირი დედის გვერდით დგომით უკვე ვაჟაკი ბიჭები გაიზარდნენ. მათ შემყურეს გიხაროდა სიცოცხლე...

გიხსენებთ რამაზ და გული გვწყდება, ჩვენს გვერდით რომ აღარ ხარ. ვერასოდეს შევეგუებით შენს სიკვდილს, შენ მხოლოდ ფერი იცვალე... შენგან დატოვებული სიკეთე და სიყვარული გინათებდეს გზას მარადიული სასუფეველისკენ... ნათელში ამყოფოს შენი ლამაზი სული უფალმა. ჩვენ მუდამ სიყვარულით მოგიგონებთ.

#### ლევან კიკალეიშვილი



„თქვენგან წასული არა ვარ, არა, ეს მხოლოდ ჩემი დასასრულია, დილით მზის სხივი რომ მოგანათებთ იცოდეთ, რომ ეს ჩემი სულია. ადრე წავედი გატკინეთ გული, მე არ მინდოდა, ღვთის სურვილია. გამაგრდით ყველა, ვისაც გიყვარვართ, აქ ჩემთან მუდამ გაზაფხულია“.


წამია წუთისოფელი... არაერთხელ დავრწმუნებულვარ ამ ცხოვრებისეულ რეალობაში, მაგრამ ვერასოდეს დავეთანხმები აზრს, თითქოს დრო ყველანაირი ტკივილის მკურნალი იყოს.

ლევან! ერთი წელი გავიდა, რაც ამ წუთისოფლიდან მარადიულში გადაინაცვლე. წარსულ ბედნიერ დღეთა, სევდანარევი მოგონებად და თანმდევი ტკივილად გაქცია დრომ... არ ვიცი, ამ წუთისოფელს მარადიული რამდენად სჯობია, მაგრამ ვიცი მხოლოდ ის, რომ ნაადრევად, საფლავი უკანასკნელი ბინა აღმოჩნდა შენთვის. მაგრამ შენგან დატოვებულ სიცარიელეს ვერავინ შეავსებს, როგორც სიცოცხლეში, ისე სიკვდილის შემდეგაც არ მიეცემა დავიწყებას ჩემო პატარა ძამიკო... ძნელია, ისაუბრო წარსულ დროში ისეთ თბილ, კეთილ ადამიანზე, როგორც შენ იყავი ლევან! არადა, რაოდენ სანატრელია ის წუთი და ის წამები, როდესაც იფრებ წარსულ დროს— შენს ბავშვობას, შენს კეთილ, მუდამ თბილ, ღმილიან და იუმორით აღსავსე ხასიათს. ძალიან გვაკლიხარ. უსაზღვრო ტკივილი ხარ თითოეული ჩვენთაგანისთვის ცხოვრება გრძელდება... ბედისწერა ვერ ხსნის სიკვდილ-სიცოცხლის საიდუმლოს. ადამიანის გონება ვერ სწვდება უფლის განგებას, თუ სად მთავრდება სიცოცხლე და სად გრძელდება მარადიული არსებობა.

რადგან სიცოცხლეს მაშინ აქვს ფასი, როცა მკვდარს ცრემლი დაედინება. დღეს შენს საფლავთან სანთელს ავანთებთ, შენი მფარველი ღმერთი იქნება!

შორენა თოდუა.

#### ომეხი ალანია



მაისი შენი დაბადების თვეა და სწორედ ამ თვეს შეწყდა შენი სიცოცხლე. ამას გრძნობდი. დროის გასვლის შემდეგ სხვადასხვა მიზეზით, გამოსათხოვარი ვერ დაგიწერე. ახლა არჩევანი ერთია, მუდამ მოგიგონო და გაგიხსენო!

23 წელი ავადმყოფობდი, ბოლო 3 წელი კი ლოგინს იყავი მიჯაჭვული. ოჯახი ყველაფერს აკეთებდა, რომ გემკურნალა და სიცოცხლეზე გეფიქრა. როცა მძიმე ავადმყოფი ხარ, სიცოცხლის გახანგრძლივებისთვის ბრძოლაში უძღური ხდები. როცა კარზე სიკვდილი მოგიკაკუნებს, მას უნდა დაემორჩილო.

88 წლის ასაკში შეწყდა შენი სიცოცხლე. თუმცა, როცა საყვარელ ადამიანს კარგავ, ასაკს რა მნიშვნელობა აქვს. მუდამ შენს გვერდით ვიყავი. რამდენი წლის უძილო ღამე, ნერვიულობა, სტრესი და ფიზიკური გადაღლა, ეს ხომ ჩვენ ერთად ვიწვნიეთ.

თამამად ვამბობ, შენ მარტო მეუღლე კი არა, კარგი მეგობარიც იყავი. ჩვენს შორის ერთმანეთის მიმართ თანადგომა, პატივისცემა და სიყვარული იყო. ამასობაში ფიზიკურად გადავიღალე, მინდოდა სიკვდილის ბოლო წუთამდე, ერთად ვყოფილიყავით. მიუხედავად ექიმების დაჟინებული მოთხოვნისა, რომ მემკურნალა, არ მივატოვე. შეწყდა შენი სიცოცხლე, ჩემს ხელში დალიე სული.

სადაც გვიმუშავნია, ყველაგან სიკეთეს ვთესდით. გვიყვარდა ხობი, ხობელებიც, რადგან შესანიშნავ განათლებულ ადამიანებთან, ხობის ელიტასთან გვექონდა ახლო შეხება.

ვცხოვრობდით პატარა სოფელში, გვექონდა ლამაზად კონტად მოწესრიგებული კარმიდამო. გაიზარდა ოჯახი, ვხარობდით შვილებითა და შვილიშვილებით.

ოჯახისგან დიდი მადლობა ექიმებს: უროლოგ მურმან ბაბილუას, კარდიოლოგ ირინა ბერაიას, თერაპევტებს მარიაკა ლატარას და თამარ მხეიძეს ყოველდღიური რჩევისა და კონსულტაციებისთვის. მათ დიდი შრომა და მკურნალობა გასწიეს შენი სიცოცხლის გადასარჩენად.

მადლობა სოფლის მედლა სოფიკო პაჭკორიას, მძიმე წუთებში გვერდით დგომისთვის.

და დგა ყველაზე მძიმე პერიოდი. 55 წლის ნაჯაფი პატარა ოჯახიდან გაცილება, როცა ეზოში დაგასვენეს წაქცევამდე ვიყავი, მაგრამ ვამხნევებდი ჩემს თავს, რომ სულით არ დავცემულიყავი და სასაფლაომდე მიმეცილებინე. ასეთი მდგომარეობიდან ბატონ მერაბ სალაყაიამ გამომიყვანა. მან ოჯახს თხოვა კოლეგისთვის გამოსათხოვარი სიტყვა ეთქვა.

მერაბმა სოფელს, ხობის რაიონის საზოგადოებას იმ დღეს მოსულ სტუმრებს ამცნო თუ ვინ იყო ომეხი ალანია. შეახსენა ოჯახს, შვილებსა და შვილიშვილებს, როგორი მეუღლე, მზრუნველი მამა და საყვარელი ბაბუა ყავდათ.

გპირდები ომეხ, სანამ შემიძლია ჯოხით ხელში გავყვები სოფლის ახალდაგებულ გზას და ავალ სასაფლაოზე, სადაც მალევე გადმოყურებს ლამაზი, გარემონტებული, რესტავრირებული კონტად მოწყობილი წმინდა გიორგის ეკლესია. ავანთებ წმინდა სანთელს შენი სულის მოსახსენებლად.

შენი მონაგარი კი სიცოცხლეში და სიკვდილის შემდეგ, ისევ ვალს იხდიან მათზე შენი გაწეული შრომისა და ამაგიისთვის.

ხშირად მივალ შენს საფლავთან და მოგინახულებ. შენი ადგილი მხოლოდ სამოთხეშია.

კურთხეულიყოს ის მიწა-საფლავი, სადაც განისვენებ.

მოგიგონებ და არც დამავიწყდება.

სიყვარულით შენი მეუღლე გულანა ბუკია-ალანია.

#### გიორგი ჯობავა



ყველასთვის ერთგულებისა და სიყვარულის სიმბოლო, ჩვენო საყვარელო გიორგი, გვიყვარხარ და გვენატრები ყველას. დრო მკურნალიაო, ამბობენ, მაგრამ იმ ტკივილს, რომელიც შენს ხსენებას თან ახლავს, დრო ვერ განკურნავს.

არ გვჯერა, რომ ჩვენს გვერდით არა ხარ. გვიჭირს უშენობა. სევდამ და სიცარიელემ დაისადგურა შუა ხორგის საჯარო სკოლის მეცხრე კლასში. თანაკლასელებს შენზე მხოლოდ კარგი მოგონებები დავგრჩა.

როგორ წარმატებულად გესახებოდა მომავალი, დიდ ფეხბურთზე ოცნებობდი. უეცრად, მოულოდნელად ვერაგმა მდინარემ გააქრო შენი სიცოცხლე, როგორც ციდან მოწყვეტილი ვარსკვლავი. ასე სწრაფად როგორ დანებდი სიკვდილს? დატოვე უზომოდ დამწუხრებული დედა, მამა, ახლობლები, მეგობრები.

არ გვინდა შენზე წარსულში ვილაპარაკოთ. შენი სიყვარული არასოდეს გაქრება ჩვენს გულებში. ეს წლებიდანელი სწავლის დაწყების პირველი დღე სევდიანმა შეხვედრამაც დაადასტურა.

დაე, ჩვენმა ანთებულმა სანთლებმა გაგინათოს გზა მარადისობაში. ღმერთმა ცათა სასუფეველში დაგიმკვიდროს ადგილი.

იძინე მშვიდად, ჩვენო ზღვასავით დაუღეგარო მეგობარო!

შენი თანაკლასელები.

**გ უ ლ ო ც ა ვ თ !**

**ნათელა ალანის დამსახურებული ფინანსისტის წოდება მიენიჭა**

20-22 სექტემბერს, გურჯაანის მუნიციპალიტეტში, სასტუმრო „კაჭრეთის ამბასადორში“ „საქართველოს ადგილობრივი თვითმმართველი ერთეულების ფინანსისტთა ასოციაციის“ რიგით XII კონფერენცია გაიმართა.

კონფერენციაზე, ასოციაციის თავმჯდომარემ, დავით ხოსრუაშვილმა ხობის მუნიციპალიტეტის მერიის საფინანსო-საბიუჯეტო სამსახურის საბიუჯეტო დაგეგმვის განყოფილების უფროსს, ნათელა ალანის დამსახურებული ფინანსისტის წოდება მიენიჭა.

აღნიშნულ ღონისძიებას საქართველოს ფინანსთა სამინისტროს, საქართველოს რეგიონული განვითარებისა და ინფრასტრუქტურის სამინისტროს წარმომადგენლები, ისრაელის, გერმანიისა და უკრაინის ფინანსისტთა ასოციაციის დელეგატები ესწრებოდნენ.



**შენგენის 20 წლის შემდეგ**

**მოსალოცნი ბარათი ჩვენ თანაკლასელებს**

გულოცავ ჩემს ძვირფას თანაკლასელებს სკოლის დამთავრების მრგვალსა და ძვირფას თარიღს. ჩემს ულამაზეს, უჭკვიანეს და ღირსებით წელგამართულ თანაკლასელებს, რომლებიც გამოკვეთილი სიწრფელითა და სიყვარულით ასრულებენ მოქალაქეობრივ მოვალეობას.

1989 წლის ხობის №1 საშუალო სკოლის გამოშვება, არა მხოლოდ ჩემი და ჩემი მეგობრების, არამედ ძალიან ბევრი ჭკვიანი მოქალაქის დასაკვნით, იყო ერთ-ერთი გამორჩეული და ყოველმხრივ აღმატებული კლასი. არა მხოლოდ აკადემიური მოსწრებითა და ინტელექტუალური სიმაღლით, არამედ უბრალოებაში აღქმული ადამიანური სიყვარულით, როგორც ერთმანეთის, ასევე პედაგოგებისა და ყველა მათ მიმართ, ვინც ჩვენს გარშემო ქმნიდა საზოგადოებრივ სახეს...

ურთულეს, კატაკლიზმებით დაბურანებულ დროს მოგვიხდა სკოლის დამთავრებაც, სტუდენტობაც და ა. შ. საქართველო განგსტერული, ველური დასავლეთის სისხლიანი კადრების „ცოცხალ“ გამეორებად იქცა... ამ უბედურების ორომტრიალში არც ერთი ჩვენთაგანი, არც ავადსახსენებელი „მხედრიონის“, არც რომელიმე ყაჩაღური თუ სხვა სახის გაერთიანებისა თუ დაჯგუფების წევრი არ გამხდარა. ჩვენ ვიცოდით ჩვენი საქმე და ჩვენი გზა... ეს გზა უპირველეს ყოვლისა, სიკეთის, ტრადიციისა და სიყვარულის აღმატებულების ზღვარზე გადიოდა...

იყო შეცდომები, ამისგან აბა

ვინაა დაზღვეული, მაგრამ დანაშაული და მითუფრო უპატიებელი ქმედება, რომელსაც მრავალგზისი ანალოგიები გააჩნდა ჩვენს გარშემო, არავის არასდროს ჩაგვიდენია. გვიყვარდა და ვუყვარდით...

საბჭოთა ხელისუფლების წინააღმდეგ გალაშქრასა და თავისუფლებისთვის ბრძოლის უანკარეს საქმეშიც თავისი მოკრძალებული წვლილი შეიტანა ჩვენმა კლასმა და 9 აპრილის ტკივილიანი საღამოს სპარტეისტოლ-სერგო ორჯონიკიძის ბიუსტი, რომელიც ჩვენი მშობლიური სკოლის წინსახეს „ალამაზებდა“ ისე დაამახინჯა, რომ, ხელისუფლება იძულებული გახდა უღვაშებიანი ღორემული რევოლუციონერი, ვის სახელსაც ატარებდა ჩვენი სკოლა, სარდაფში ჩაებრძანებინათ, საიდანაც მას მხოლოდ ჯართად ეღირსა „ამობრძანება“ და ჩაბარება...

ამას გარდა, ყველაფერში გამორჩეული იყო ჩვენი კლასი... ამის დასტური ისიც გახლდათ, რომ ყველაზე მეტი კურსდამთავრებული, რომელიც ოდესმე ახსოვს რომელიმე სკოლას, იმავე წელს, სწორედ ჩვენი რიგებიდან ჩაირიცხა სახელმწიფო უნივერსიტეტსა და სხვა პრესტიჟულ სასწავლებელში...

ჩვენ გვიყვარდა და დღემდე გამორჩეულად გვიყვარს ერთმანეთი... ჩვენი სიყვარულის ათეულა ჩვენი პირველი ნაბიჯებიდან იწყება, თამარ თოდუას-ჩვენი პირველი მასწავლებლის უცამაღლესი ორანიდან, იმ დროიდან, როცა სიყვარული ყველაზე ალალი, უანგარო და წმინდა გრძნობაა...

ჩვენ ერთად გავლიეთ ყველაფრის მიუხედავად ლამაზი და უნიკალური წლები, მოვიპოვეთ ჭეშმარიტების წვდომის ფანტაზიით გამსჭვალული სიდიადე, რომელსაც წარმატალი მშვენიერებით ტკობაში რწმენით მოპირთავებული ბედნიერების მიგნება ძალუძს, აი, ასეთი სიდიადე წარმოადგენს მეოცე საუკუნის არსსა და ბეჭედს, რომლის სულიერ ხატად ჩვენი ახალგაზრდა, ლამაზი მშობლების ხატება წარმოგვიდგება, რომელთა ზნეობრივი ტვირთის ქვეშ თავს იწონებს უანგარო და წრფელი ურთიერთსიყვარული!

განა ის, რასაც პატარა წყენები ჰქვია, „მცირე ეპოქის“ უბადრუკი თამაში არ იყო, საუკუნის იმ ჭეშმარიტ, მუხლმოდრეკის ღირს გამომახილთან შედარებით, რომელიც ჩვენი მოქალაქეობრივი როლის შეთანაბრებაა ვაჟკაცობასთან და რომელსაც პირნათლად ვასრულებთ, როგორც ნაღდი ქართველები და გულმთნე მეგრელები!

დავკარგეთ ჩვენი უსაყვარლესი კლასელები... გია შონიას ტრაგიკულმა აღსასრულმა უდიდესი ზღვარი გაავლო ჩვენსა და იმ სივრცეს შორის, რომელსაც ჯერ კიდევ ვარდისფრად ვისახავდით... ბუჟან კვარაცხელია, ძალიან ადრე კობა ნასარაია... ბადრი ქაჯაია და ტკივილი უფროვე გაგვიშინაურდა და გაგვიძალიანდა...

მერე ამას ჩვენი მამების გარდაცვალებაც დაერთო და... ამასთან ვმრავლდებით და ვბედნიერდებით... მაინც ჯიქურ მივიწვევთ წინ და წინ...

წავიდნენ ჩვენი უსაყვარლესი მასწავლებლები: აბდულ ლუკავა, ანზორ კაკაბაძე, ეთერ კვიციანი, ლამარა ბუსქანძე, ციალა სახოკია, ყორჟი ხასია, მიშა დანელია, მერაბ კიტია... სხვები და სხვები... კაცობისა

ზას, გულნარას, თამრიკოს, დოდოს, მზეონას, ლუიზას... სხვებს, სხვებსა და სხვებს...

ჰოდა, მიყვარხართ ჩემო ლამაზებო და კარგებო: ანა, ირინა, ხათუნა, ინგებო, ნანა, მაყვალა, ლარისა, ნინოელო... ბიჭებო: კობა, ლევან, მახო, რევაზ, ზაალ, კახელო, კახი, მერაბ, ჯაბა, სოსო, ზვიად, ბუჟან, რომან, ხარიტონ, ლაშა, გიორგი, მეორე კობა (ჭანჭიკი)... დღესაც ჩამესმის ყურში: ჯვა-



და ადამიანობის სიმბოლოები...

სკოლის ღირექტორი-ალექსანდარა (საშა) ბერაია... დავკარგეთ მრავალი ახლობელი, მეგობარი და ნათესავი... შევიძინეთ ასევე დიდი ადამიანები და რბიან წლები „ნაბდით დაჭვდილი ბედაურებივით“, რბიან და მიაქვს ჩვენი უთანადრო ახალგაზრდობა, უდარდელი წლები და ბევრი რამ, რომელსაც ვერასდროს გაახმაღლებ და ვერ იტყვი... ვეფერებით ჩვენს ძვირფას პედაგოგებს, ბატონებს: ლემზარს, რევაზს, რუზგენს, ამერანს, სერგოს... ქალბატონებს: ინე-

ტალა, კიკო-ლიკო, კოდოსკობი, კვატია, ბარბალა, ლიმონათი, ჯამბულია თუ ბამბული, ყურმა, ტორო, ჯეფერსონი, ნადირი, ჩხუ, ყირჭალი, გვადალა... და ვინ იცის კიდევ რამდენი რამ, რომელთა შემოქმედი უმთავრესად კობა თუთბერიძე გახლდათ!

„ვას, დრონი, დრონი, ნაგებნი მტკბარად, წარილტვენ, გაპქრნენ სიზმრებრივ ჩქარად.“ მრავალყამიერ, მრავალყამიერ, მრავალყამიერ...

სიყვარულით თქვენი-  
**ლავა გმასალია**  
**(ჯიფერსონი).**

**სობის მუნიციპალიტეტის ბეჭდვითი ორგანო**  
**გამომცემელი: სობის მუნიციპალიტეტის კულტურულ-საბანამანათლებლო საზოგადოებრივი ცენტრი.**  
**სარედაქციო კოლეჯია:** მერი ლავილავა, ნანი კიდასონია, როზეტა შულაია, ბორის ბერაია, ბუჟან ნადარაია, ირაკლი შონია, თამთა ბუკია. კომპიუტერული უზრუნველყოფა-ჯულიეტა ლატარია. გაზეთი აეწყო და დაკაბადონდა სობის მუნიციპალიტეტის კულტურულ-საგანმანათლებლო საზოგადოებრივ ცენტრში.  
ტელ: 0 (414) 22-21-31; 22-25-81; 599-50-40-57; 577 21-41-44.  
ელ. ფოსტა: xobismoambe@mail.ru.  
დაიბეჭდა შ.პ.ს. გამომცემლობა „კოლორში“. თბილისი, რკინიგზის ჩიხი №20.  
გაზეთი ხელმძღვანელობს თავისუფალი პრესის პრინციპებით. გაზეთში დაბეჭდილი მასალის სიზუსტეზე პასუხისმგებელია ავტორი.